

10 OCT 2003

CETUSAN RASA ON-LINE BERNAMA UNTUK DR M DILANJUTKAN

KUALA LUMPUR, 10 Okt (Bernama) -- Tarikh akhir penyertaan dalam Cetusan Rasa On-Line Bernama untuk Dr Mahathir dilanjutkan hingga 31 Okt berikutan sambutan di luar jangkaan.

Menurut kenyataan media Bernama.com di sini hari ini, tarikh akhir penyertaan yang ditetapkan pada 20 Okt dilanjutkan bagi membolehkan seberapa ramai rakyat Malaysia meluahkan rasa terima kasih mereka kepada Perdana Menteri.

Orang ramai boleh meluahkan perasaan mereka tidak melebihi 50 perkataan di portal berita [www.bernama.com](http://www.bernama.com) dengan mengklik pada banner Bernama.com "CETUSAN RASA: Setulus Ikhlas Buat PM."

Cetusan rasa yang terpilih akan disiarkan oleh Bernama.com. Tiga cetusan rasa terbaik berpeluang memenangi sebuah komputer riba, sebuah "personal digital assistant" dan sebuah komputer meja.

Penganjur turut menyediakan 10 hadiah saguhati, katanya.

Mereka yang ingin meluahkan cetusan rasa untuk Dr Mahathir diminta menyertakan nama, nombor kad pengenalan, alamat rumah yang lengkap, alamat e-mel dan nombor telefon bagi melayakkan diri memenangi hadiah-hadiah menarik tersebut.

Untuk keterangan lanjut, sila hubungi Mastura Hassan di talian 03-21643461 atau e-mel ke [mastura@bernama.com](mailto:mastura@bernama.com).

-- BERNAMA

HK HK LAT